


KA BALANG KHASI-PNAR PRESBYTERIAN

HA BANGLADESH

LA THOH BAD PYNMIH
DA U PASTOR LANGSTARLEY DKHAR B.A., BD



KHASI GOSPEL REVIVAL LITERATURE



UP Acc No - 9223/8
Class No. 895.93.D.11.Bal
Author Dikhar. L.
Title Ka Balang Khasi-Man
Presbyterian ha - - - -

Acc. No. 9223/8
STATE CENTRAL LIBRARY
GOVERNMENT OF MEGHALAYA
S H I L L O N G

1. Books may be retained for a period not exceeding 15 days by members.
2. Books may be renewed on request at the discretion of the Librarian.
3. Dog-earing the pages of a book, marking or writing therein with ink or pencil, tearing or taking out its pages or otherwise damaging it, will constitute an injury to a book.
4. Any such injury to a book is a serious offence; Unless a borrower points out the injury at the time of borrowing the book, he/she shall be required to replace the book or pay its price.

Help to keep this book fresh & clean

KA BALANG KHASI-PNAR PRESBYTERIAN HA BANGLADESH

State Central Library
Government of Meghalaya
Shillong
La thoh bad pynmih da

U Pastor Langstarley Dkhar BA, BD

la ka hok longtrai la jong la tyngkai
(All Rights Reserved).
1999

Ym lah ban pyndonkam ia ka kot bad ki
jingthoh kiba don ha ka shawei pat

CHECKED

State Central Library
Shillong

*La Shon ha Marbanang Printers, Jaiaw Laitdom,
Shillong—793002,
Meghalaya*



Rev. Langstarley Dkhar.

**Rev Langstarley Dkhar's Christian Literature Works
in Khasi Language for spreading the Gospel in
North East India**



"Shuwa ba ka jaid bynriew Khasi-Pnar kan jah noh na
sla jong kane ka pyrthei,

Shuwa ba ka longbriew manbriew, ka longiing longsem,
ka longkur longjaid bad ka longkha longman u Khasi-
Pnar kin dam noh ha ka ri jong ka jingklet,

Shuwa ba U Trai jong ngi un wan shaw noh ia ka Balang
Bakhuid,

Shuwa ba kan kut noh ka Jingialap ia ka khubor babha
jong ka jingpynim,

Shuwa ba kan wan ka kordit bah,

Shuwa ba kan wai noh ka pyrthei,

Shuwa ba kan poi ka jingbishar bakhadduh,

Nga dei ban trei dep ia ka jingialap ia ka Gospel da ki
jingthoh hapteng la ka jaid bad ka kynja la jong."

**Pastor
Langstarley Dkhar**

J I N G K D E W

Lynnong	Piej
Ka jinglamphrang	1
Ka Shithi ai khublei	11
1. Ka Ri Bangladesh	1—2
2. Ka jingshong shnong ki Khasi ha Bangladesh	2—5
3. Ka jinglong bad jingim ki khasi mynta ha Bangladesh ..	5 8
4. Ka jingsdang ka Gospel ha Sylhet	8—11
5. Ka jingroi bad jingphriang jong ka Balang Khasi ha Bangladesh	11—15
6. Ka jingdon briew bad ka rukom jingtrei jong ka Balang Khasi ha Bangladesh	15—17
7. Ka Srimongol—Borlekha Presbytery .	17—19
8. Ka jingtrei kam ba mynta jong ka Presbytery Khasi	20—23
9. Ka Balang Khasi-Pnar Presbyterian bad ka Norwe mishon ..	24—26
10. Katto katne shaphang ka Sylhet Presbyterian Synod	26—29
11. Ka lawei jong ka Balang Khasi-Pnar Presbyterian ha Bangladesh	29—32
12. Ka jingkyimaw leit ia ki nongseng bad nongtrei barim	32—36
13. Ki snem bad ki jingjia ha ka history jong ka Balang Khasi-Pnar Presbyterian ha Bangladesh.	36—39

KA JINGLAMPHRANG

Nga dap da ka jingsngewnguh bakhraw eh ia U Blei uba la phie lad ia nga ban thoh bad pynmih ia kane ka kitab "KA BALANG KHASI-PNAR PRESBYTERIAN HA BANGLADESH" Nga la don ka jingkwah kaba la khamslem ban ioh tip ei ei shaphang ki Khasi-Pnar Presbyterian kiba sah bad im ha Bangladesh. Kane kam shym la long kam ei ei tad haduh ba ngan da ioh leit hi sha Bangladesh da ka jingkhoh sngewbha jong ki parabangeit Khasi-Pnar, ban iashim bynta bad kren ha ki jingiaseng ba la pynbeit da ka Balang hangto. Ka jingleit ka la long tang khyndiat sngi naduh 3 tarik haduh 9 tarik December, 1998

Nga dap da ku jingsngewkmen ban iohi da la ki jong ki khmat ia ka rukom im, rukom trei, khamtam ia ka jingshakri Blei, ka jingieit bad jingiabeh ia ki jingiaseng bad ka mynsiem ka badon hapdeng jong ki ban phla bad sakhi ia U Jisu Khrist ha ka ri kaba pyrkhing ia ka niam Khristan bad ka jingtalop ia ka Gospel

Ngam lah khlem da ai khublei kyrpang ia ki Rangbah ka Presbytery Khasi bad Sylhet Synod, kata, ia u Rev D. M Surong, Rev. D Bareh, Mr. Roosh Patam, Mr. Hajar Pohihmi, kiba la iarap ban ai ki kot ki sla badonkam bad ai bun ki jingtip ruh ia nga, mynba nga la iadon lang bad ki ha Jhumairim, Sylhet, bad Brahmanbazar (Bangladesh).

Nga khmuh lynti bad kyrmen ba kane ka kot kan wal-lam ka jingpynkhih thymmai ia ka jingmut jingpyrkhat ki paralok Khasi-Pnar Presbyterian kiba shong ha Bangladesh bad ri lum Khasi-Jaintia kumjuh, kumno ban kham tei ia ki halang halor ka nongrim ba la hikai na ka ktien U Blei - "Namar ym don balah ban seng da kawei pat ka nongrim nalor kata kaba la lah seng, kaba long U Jisu Khrist kein" (1 Kor. 3 : 11).

25 1. 1999

**Lumbatemon,
Jaiaw Laitdom,
Jaiaw, Shillong- 793002,
East Khasi Hills District,
Meghalaya, INDIA.**

L. Okhar.

KA SHITHI AI KHUBLEI

1. 2 1999

Lum Batemon, Jaiaw Laitdom,
Jaiaw, Shillong—793002.
Meghalaya, INDIA

Ha

Ki Nongialam bad ki Parabangeit Khasi-Pnar Presbyterian, Bangladesh

Na

U Rev Langstarley Dkhar, Moderator, K J. P Synod

Nga pynpaw hangne khyndiat ka jingkybmaw iet ia phi baroh, mynba nga la wan jngoh ia phi khyndiat sngi, khamtam ban iadon lang ha ki jingiaseng paidbah ba shong Blei, shong mynsiem, kiba la long ha Jhimairim, Moulbazar District, Bangladesh, ha ki tarik 5 bad 6, December, 1998

Nga ainguh eh ia U Blei na ka bynta ka jingkhoh sngewbha, jingpdiang sngewbha bad jinglehbha jong phi ia nga Ngam don ei ei ban siew kylliang ia phi, hynrei ka kot kaba nga la dep thoh bad pynmih, ba nga la ai kyrteng : **'KA BALANG KHASI-PNAR PRESBYTERIAN HA BANGLADESH,'** ka long u Mot ban pynsah jingkybmaw ia ka jingiaphylliew mynsiem bajan jong ngi bad jingiasyllok iaieit bakynja mynsiem ha U Khrist Jisu, kaba ym lah pyndan, katba ngi dang iaim iasah ha kane ka pyrthei. Nga duwai ba U Blei un nangaibor bad iarap ba phi lah ban ieng skhem ha ka jingngeit, jingphla bad jingsakhi ia ka kyrteng U Jisu Khrist.

“Phi phi long ka jingshai ka pyrthei . To pynshai kumta ia ka jingshai jong phi hakmat ki briew, ba kin iohi ia ki jingleh babha jong phi bad ioh iaroh ruh ia U Kpa jong phi uba ha ki bneng” (Math 5 : 14-16).
“**MARANATHA !** Ka jingatei U Jisu Khrist uba U Trai to kan long lem bad phi Ka jingieit jong nga kan long lem bad phi baroh ha U Khrist Jisu : Amen.” (I Kor 16 : 22-24).

LYNNONG 1

KA RI BANGLADESH

Ka Ri Bangladesh ka don shaphang shathie lam sepngi na ka jylla Meghalaya La ker ia ka na shatei da ka jylla Assam bad West Bengal, na mihngi da ka jylla Tripura. Assam bad Mizoram, na shaphang sepngi da ka jylla West Bengal, bad na shaphang shathie da ka duriaw Bay of Bengal

Ka Ri Bangladesh ka la ioh ia ka jinglailuid na ka Pakistan ha ka i6 tarik December 1971 Ki nongshong shrong ki dei ki bengali kiba kren da ki ktien bengali (bangla). Ki bengali musulman ki dei ki heh paid. Ki bengali hindu ki dei ki rit paid Kumba khyndai phew phra ki nongshong shnong na ka shispah ki long ki bengali Ki bym dei bengali, kynthup na ki riwulum bapher ki long tang kumba ar na ka shispah.

Ka Niam Khristan mynta ha Bangladesh

Ka Ri Bangladesh ka dei ka ri Musliman. Kumta ka niam musulman ka long ka niam jong ka ri baroh kawei La ailad bad pynjynsur tang khyndiat eh ia kiwei ki jaid niam ban mane blei Ki hindu, ki khristan bad kiwei ki jaid niam bym dei musulman kim da ioh eh ka lad ban mane blei laitluid. Ka Sorkar Bangladesh la ka shah ia ki khristan ban mane Blei,

hynrei ka pyrkhing bha ia ka jingialap bad pyn-
kylla khristan, bad ka buh ka adong ba eh ia ki
musulman ba kin kylla khristan

Kat kum ka jingkhein ba dang ioh shen
na Dhaka kaba long ka nongbah jong ka Bang-
ladesh, ki khristan ha Bangladesh ki don tang
kumba (3) lakh, kynthup ia ki Protestant bad
Roman Katholik.

Hapdeng ki jingeh bakhraw ba ka Balang
Khristan ka iakynduh ha Bangladesh, pynban
ka long kaei ka basngewtynnad ban tip ba ka
Balang Khristan ka ieng skhem ban phla ia U
Jisu Khrist. Ka don ka jingkhie imthymmai
hapdeng ki Balang Bengali ha sorbah Dhaka
bad khapsor Ka Balang Baptist ka long kaba
khlain bha ha ka liang ka jingphla bad jing-
saksi ia ka kyrteng U Jisu Khrist. U Myn-
siem Bakhuid ruh u sdang ban iatrei hapdeng
ki musulman. Bun na ki musulman ki wad
jingtip bad kwah ban pdiang ia U Jisu Khrist
Kane ka dak ka pyni ia ka jingkyrmen ka lawei
jong ka niam khristan ha Bangladesh.

LYNNONG 2

Ka jingshong shnong ki Khasi ha Bangladesh

Ka jaidbynriew Khasi, ka bamut u Khyn-
riam, u Pnar, u Bhoi, u War ; Ka la shong
shnong ha Bangladesh naduh ki por barim ba-

jah. Kí syiem Jaintia, kí syiem Khyrim, bad kí syiem Madur Maskut kí la ju synshar ia ka District Sylhet naduh ka por hyndai.

Ka shnong Jaintiapur ka la long ka shnong barim tam jong kí Khasi. Kí shnong ha ka thain Jaflong kí la don naduh ka por jong kí syiem Jaintia. Ka ling syiem u syiem Jaintiapur bad lingknia lingkhriam jong u, kí la don ha Jaintiapur.

Dang arspah snem tam mynshuwa ruh, kí khasi kí dang synshar hí ia katto katne kí Ilaka ha ka thain Sylhet bad Sunamgonj. Ha ka snem 1740 A.D, kí khasi kí dang wan tur thma ia kine kí thain. Kí syiem Jaintia kí la synshar haduh ka snem 1835 A.D. kí thor kí hima Jaintia kí la iasoh bad kí thor Sylhet ha ka 1835. La kí khasi kí la shong shnong ha kane ka ri naduh hyndai, ka niam khristan ne ka Balang kam pat don satia ha kito kí por. Ka niam khristan ka la wan por ha ri Khasi ha ka snem 1841.

Ha ka snem 1902, bun bah kí Pnar na Bataw kí la leit phet shnong sha kí thain Sylhet, namar ba kí khla kí la dait, pynma bad pyniap ia kí trai shnong. Naduh kata ka por, ka rukom wanshong shnong jong kí Pnar ka la sdang, namar ba kí long ruh kiba tbit ban rep tymphew. Kí la wan shong shnong sha kí thain Cachar bad Sylhet jong ka ri India. Ha kito kí por, kí Khasi kí la ju iakhai pateng bad

ki khar Sylhet. Kí la ju íoh kamaí bha ha ki lew Sylhet. Haba ka rep bad kham, tympew ka la íaid bha, kí la sdang ban shong shnong ha kí lum Sylhet ha kí jaka ba kham pyngngad bad kham suk ka íoh ka kot.

Ha ka snem 1901, la don kumba 3,500 tam kí Khasi ha Sylhet (kat kum ka Sylhet District Cazetteer, 1975). Haba ka jingphiah ía ka India bad ka Pakistan ka la wan ha ka snem 1947, la don katto katne kí Khasi kiba wan shong shnong ha kí thain Sylhet na ka bynta kí jingeh ka íoh ka kot bad ka shong ka sah ha kí thain khappud ka India.

Ha ka thma laitluid ka Bangladesh (1971 - 1972), bun bah kí Khasi kí la wan phet sha Meghalaya (India) na ka daw ka thma, kí da íehnoh ía kí ung kí sem bad kí brí Hynrei haba la wan pat ka jingsuk bad jingsynshar thymmai ka soíkar Bangladesh, kí la leit phai biang sha kí jaka ba kí laphet bad sdang thymmai pat ía la ka jingim bad jingrep

Ha ka snem 1986, kat kum ka jingkhein sensos ba la aí da ka Santal Mission Norwegian Board, kí shnong Khasi kí long 78 tylli bad kí Khasi kí don baroh 6999 ngut ha Bangladesh.

Ha ka snem 1991 pat kí la nang íakiew bad íabun. Kat kum ka jingkhein statistik Bangladesh 1991, kí Khasi baroh kí la poi sha

ka 12,000 ngut Hadien ka snem 1991, ka jingdon ki Khasi ka lahai na ka daw ba don bun kiba laphet noh sha Meghalaya (India) namar ba la duna ki jaka rep tymbew, bad ba kim sngew shngain bad sngew tikna ia la ka jingrep bad khai pateng

Haba nga la poi ha Bangladesh ha u **December 1998**, kat kum ka jingwad jingtip ba nga la lum na ki rangbah Khasi bad ki kot ki sla ; ki Khasi ha Bangladesh haduh bakut ka snem 1998, ki don **8,500 ngut ei ei**. Ki shnong khasi pat ki long **80 tylli**. Shaphang ki jaid balang jaidniam pat ki long kumne :—

Presbyterian	—	3,500 ngut
Roman Catholic	—	2,500 ngut
Bym pat long khristan	—	2,500 ngut

LYNNONG-3

Ka jinglong bad jingim ki Khasi mynta ha Bangladesh

Ki Khasi ha Bangladesh ki long ki baieit bha ia la ka jaid ka kynja lajong. Ki sngew khasi, riam khasi, bad kren ka ktien khasi. Kim ju sngewtynnad ban duh ia la ka tynrai khasi la jong, wat haba ki shong ki sah ha ri jong kiwei pat. Teng teng namar ka jingshit jong ki sngi, haba ki don ha shnong ha thaw bad

ha bri, ki ju phong da ka lungi, hynrei haba
ki mih shabar shnong, ki phong bad riam khasi

Ki Khasi ha Bangladesh, namar ba ki long
ki nongrep tynpew, ki ju sngewtynnad ban
shong shnong shi jaka hajrong lum Don ki
shnong kiba tang shiphew iing, don kiba khad-
san iing. Don pat ki shnong kiba la poi haduh
sawphew iing, hynriewphew iing, bad haduh
shispah iing tam Ha man la ka shnong u don u
rangbah shnong ba ki khot 'myntri'.

Ki Khasi ha Bangladesh kim ju shong kha
khleh bad ki dkhar ne bad kiwei ki jaid hyn-
riew, lait sa tang katto katne eh. Kim ju pyn-
shlur ban iashongkha bad ki bymdei khasi.
Ki don ka jingiasngew shipara bad iait ia
thoin para ma ki. Ki iatrei lang ha ka kam
shnong kam thaw bad iakit ruh ha ka khia ka
shon kaba ktah lang.

Ki ju kynmaw iait ia la ka jong ka ri Khasi
bad Jaintia. Ki kheir bad nrew ia ngi ki Khasi
Pnar na Meghalaya kum ki kmie ki kpa. ki
hynmen lajong bad nrew burom shikatdei Ki
iatylli lang kum kawei ka jaidbynriew bad kim
ju don ka jingsngew iapher ha ka ktien ka thyl-
licj ne ka riam ka beit. La ki kren ka ktien
War Jaintia hapdeng ma ki, la ki kren ka ktien
Khyrim para ma ki. ki sngewtynnad bad sngew-
sarong ba ki dei ka jaidbynriew Khasi. Ki pule
khasi, rwai khasi bad ki nrewkor ia ka tynrai
lajong ba ki la mih.

Ki Khasi ha Bangladesh ki long ki baieit ia ka jingsuk. Ka sorkar Pakistan mynshuwa bad wat ka sorkar Bangladesh mynta, kim da pynshitom eh haduh katta ia ki Khasi. Haba ki wan sha iew sha hat bad sha sor, ki Bengali ki burom, sngewtynnad bad lehjan lehiet ia ki. Ki Khasi ki ju buh ka jingkyrpad ia ka sorkar ba kan sngewsynei bad ai jingiada ia ki namar ba ki long ki ritpaid. Ka long kaba sngewtynnad ban tip ba ka sorkar Bangladesh ia mynta hi ka la tiaw ki lad ki lynti ban ai jingiada ia ki Khasi.

Ha ka jingiaid jong ki por mynta, ki Khasi ha Bangladesh ki la don ka jingpyrkhat ban kham iabeh sha ka jingnang jingstad, jingim jingtrei ba iadei lang bad ki trai shnong Bengali. La ka jingtrei jingktah bakongsan jong ki ka long u tympew, hynrei mynta ki la phah ia ki khun ki kti jong ki ban pule ha ki sor bah kum ka Sylhet bad Moulvibazar. Don kiba pule High School, don ruh kiba la leit pule Kolej sha Dhaka bad Chittagong. Don kiba la pass B A. Don uwei u Khasi uba la pass Enginiar bad bat ia ka kam heh ha Dhaka. Don uwei uba la pass M. Com (management) na Chittagong. Napdeng ki kynthei pat, don kiba trei ia ka kam nurse ha ki hospital. Don bun mynta ki Khasi ki basdang ban iatrei ha kiwei ki jaid kam ba iadei lang bad ka imlang sahlang jong ki trai shnong Bengali. Ki Khasi ha Bangladesh ki phah skul ia ki khun ki kti ha ki skul bangla bad pule bangla. Ha ki shnong ba ki

shong ung pat, ki la buh ia ki skul khasi khnang
 ban hikai ia la ki khun ki kti ba kin tip bad
 nang kham bha ia ka ktien khasi la jong Ka
 jingsdang ki Khasi ha Bangladesh ban iabeh noh
 sha ka jingshai ka juk mynta ka iarap shibun
 eh ia ki ba kin lah ban im kat kum ka jingkylla
 jong ki por mynta.

LYNNONG—4

Ka jingsdang ka Gospel ha Sylhet

Ha ka jinglader bad ka jingwanpoi jong
 ka Gospel ha Sylhet jong ka Bangladesh mynta,
 lehse ngim lah ban klet ia u **William Carey**, uta
 u lurstep jong ki Protestant mishon Hadien
 ba u William Carey u la trei katto katne ha ri
 thor Bengal, u la seng ia ka **Serampore Mission**
 U la ioh ban pynkylla khristan bad pynbaptis
 ia u **Krishna Chandra Pal**, uta u soh nyngkong
 ki synran U Khrist napdeng ki hindu U **Kri-**
shna Chandra Pal nangta u la ioh ia ka jing-
 khot ban wan palap ha kiwei pat ki jaid byn-
 riew kiba shong ha khappud Bengal bad Assam
 Une u la wan sdang trei ha **Pandua (Bholagonj**
Sylhet) sha kaba ki Khasi ki ju wan ban ia
 khai bad ban iadie iathied. Ka jingtrei jong
 u ha Pandua ka la seisoh, u la ioh pynbaptis
 jin hynfiew ngut, bad na kitei hynfiew ngut,
 ar ngut ki long ki khasi—U **Duwan** bad u **Anna**
Hapdeng u paid uba la ioh ia kane, ki la don
 phra ngut ki syiem bad kumba hynriew spah u

paidbah khasi. Kane ka la jia ha ka **7 tarik u April (Iaiong), 1813**. Hadien kumba phra bnai, u Krishna Chandra Pal u la leit wan noh sha Calcutta, bad na kano kano ka daw um shym wan phai shuh.

U William Carey u la pyrshang ban buh ha ka jingthoh ia ka ktien khasi, bad u la pynkylla ia ka Testament bathymmai sha ka ktien khasi ha ka snem **1830** ei ei da ka jingiarap uwei u rangbah Dkhai na Shilot Hynrei kane ka jingpyrshang ka shu pulom bad kam shym long jingiarap ei ei. Ka daw jong kane ka long namar ba ki nongpynkylla kim shym la long kiba nangbha ia ka ktien khasi, bad ruh ba ki la pyndonkam da ki dak bengali.

La sdang ia ka kam jong ka Presbyterian mishon ha ki jaka thor Sylhet Cachar ha ka snem **1850** ei ei. Ki mishoneri kiba la trei hapdeng ki Khasi ha Cherrapunji ki sngew ia ka jingkitkhia na ka bynta ki bashong ha ri thor, bad ha kaba kut, u William Pryse u la wan kum u mishoneri bad sdang ia ka kam ha ki jaka thor ka Sylhet bad Cachar ha ka snem **1850**.

Ha ka jingshisha dei ki dkhot ka Balang Presbyterian jong ka Khasi - Jaintia Presbyterian Synod kiba la seng ia ki balang Khasi Presbyterian ha Bangladesh. Ki la long ma ki kiba la wanrep tympew hapoh ki lum bad ki thor ka Sylhet. Ki thain Jaflong, Borlekha-latu ki la long ki shnong khasi kiba la khamblem ban

ia ki thain Kalaura, Srimongol. Pynban kim pat don ki kynhun ne Balang hapoh ka Assembly Sylhet Cachar (Assembly Rithor), kaba la seng ha ka snem 1924 ha Moulvibazar.

Ki mishoneri na ri Wales ki ju sah bad pynlong ia ki jakasah mishon jong ki ha Sylhet bad Moulvibazar, bad ki trei bha hapdeng ki khar bengali Ka Balang Khasi-Jaintia ka li kitram shibun ia ki Pastor, Ebanjelis lem bad ki mishoneri jong ka Assembly Rithor, namar ba ki leit jngoh teng teng bad pynlong jngia-seng bad pyndep ia ki niam ki rukom ia ki Khristan Khasi-Pnar kiba leit shong rep tym-pew ha kito ki thain bad kiba long kum ki lang-brot khlem nongshara

Ka Balang Khasi-Pnar Presbyterian banyngkong eh ha Bangladesh ka dei ka **Balang Sitlapunji**, kaba don ha syndah ka shnong Alia-cherra Ki daw kiba la pynlong ban pynioh balang ia ka Sitlapunji ki long —

(i). Ka shnong ka long ka baheh bad barim tam ha ki thain Hobigong - Srimongol ha kito ki por

(ii) Ki Presbyterian ki bashong ha kine ki thain ki dei ki Rangbah balang jong ka Khasi-Jaintia Presbyterian Synod.

(iii). Kine ki briew ka Balang Sitlapunji ki ju don ka jingia leit iawan lyngba ki sor Sylhet,

Moulvibazar, ha kaba ki don ki jakasah mishon jong ki mishoneri ka ri Wales.

La shu antad ha la seng ia ka balang Sitlapunji ha ka snem 1942 ei ei. Ha ka snem 1952 kane ka Balang ka la pan iasoh noh ha ka Sylhet Presbyterian Synod. Kumta la seng ia ka Balang Khasi hapoh ka Sylhet Synod ha ka snem 1952.

Ka don ka jingangnud mynta ban rakhe ha ka snem 2002 ia ka jingdap sanphew snem ka Balang Khasi ha Bangladesh.

Hadien ka Balang Sitlapunji, la seng shibun ki balang khasi hapoh ka Sylhet Presbyterian Synod da ka jingtrei shitom u Rev. N. K. Patro na Moulvibazar mishon.

LYNNONG—5

Ka jingroi bad jingphriang jonq ka Balang Khasi—Dnar ha Bangladesh

Naduh ka snem 1952, ki kynhun balang khasi ki la sdangmih pyrthei bad ki la pyniasoh jinglong dkhoh noh ha ka Sylhet Presbyterian Synod U' Rev. Nobo Kumar Patro u la long u pastor khasi uba la trei shitom bad u la long ruh u nongseng bakhraw tam jong ki balang khasi ha Bangladesh. Dei ma u uba la

ai jinghikai ia ki rangbah khasi kiba la long Pastor hadien. Kita ki long u Ebanjelis Meril Khonglah bad u Ebanjelis Edwin Manar

Ki snem **1952—1960**, ki dei ki por jong ka jingseng ia ki balang khasi bad la seng kumba arphew tylli tam. Kita ki la long ki Balang Peku, Pallathol, Barangka, Kumarshail, Dagsora, Chambag, Kashinatpur, Rangl, Puthicheria rim, Lawasora, Inainagar, Gilasora, Hatma, Horposory, 9 No Puji, Dilkush, Hatubanga, Katabari, Nolikhai, Jangala.

Kat kum ka jingthoh u Rev N K Patro, "Ka Balang ha kato ka por ka la long kaba don jingim bad kaba nangroi. La shait pynlong ia ki jingiaseng Presbytery ka Sylhet Synod ha ki shnong Khasi. Ki jingiaseng kiju long ki bashitrhem shikatdei ch Wat halor ki rel (tiam) ruh ki khristan ki la ju iarwai ki jingrwai niam "

Naduh ka snem **1960 haduh 1970**, ka Balang ka suhthied bad ka nangsai. Ha kine ki shiphew snem, ka Balang ka la nangioh ia ki rangbah ba khamtbit kum u tymmenbasan Don Langshiang, u tymmenbasan Kiung Surong, u Jowen Lamarai, u Rimon Shylla, u Maya Malang, u Wershon Syad, u Pastor Restore Kharkongor. Dei hapoh kine ki snem, ba ki balang khasi ki la ioh la ka jong ka subdistrict hapoh ka Moulvibazar—Hobigonj Presbytery. La thung Pastor ia u Meril Khonglah bad u Edwin Manar. Kine baroh arngut ki la

trei shitom bad leh minot haduh ba ka la don ruh sa ka jingsngewdonkam ban ioh noh la ka jong ka Presbytery.

Ki snem 1969 haduh 1971 ki long ki snem ka jingleit noh ki Welsh mishoneri sha la ka jong ka ri. Ka jingjia ka la long ym tang ha ri Khasi-Jaintia, hynrei ha ri thor Sylhet jong ka Bangladesh Pynban da ka jingpyniaid bastad U Blei na shalyndet, ka Balang Lutheran na ri Norway ka la seng bad phah ia ka Santal Mishon Norwegain Board na ka bynta ban shimti bad pyniaid ia ka Sylhet Synod. Ka jingwan ka mishon ka la long ka jingkyrkhu bakhraw ia ki balang khasi. Ka mishon ka la leh-shitom ban pynsar, pynroi bad tei ia ki balang khasi. U **Sahep T. Iveland** u la long u nong Norwe banyngkong eh ban trei bad ka balang khasi. Ka Norwe mishon ka la pynlong ia ka jakasah mishon jong ka ha Bramanbazar. Hadien nangta, wan sa u sahep **H. T. Lovas** bad I mem kiba la pyntbit ia lade ban trei bad ki balang khasi. Kane ka la nang ai ka jing-shitrhem bad jingsngewshngaiñ ia ki balang kiba la sdang ban roi bad ia id shaphrang.

Ka Santal mishon ka la don ka jingkhmih bajngai na u soh u ban mih na ki balang khasi. Ha ka snem 1970 ka la long shisha kumta ha kaba ki balang khasi ki la ioh noh la ka jong ka Presbytery hapoh ka Sylhet Synod bad ha la ai kyrteng ia ka, ka 'Srimongol Borlekha Presbytery.'

Ha ka snem 1971 ka la wan pat sa ka jing-tyntjuh ia ka balang khasi, nanar ka thma laitluid Bangladesh. Ka thma ka la pynkulmar ia ka mishon bad ki balang khasi. Bun na ki dkhot ka Balang, ki rangbah, khyannah bad kynthet ki la hap ban phetwir noh sha India. Ka jingja ka la pynsharong ia ki nongtrei ka Balang. Ki parabangait ki ia iehnoh ia ki iing ki sem, ki tiar ki tar bad ka iingmane. Ia ka Presbytery ba la seng thymmai, ym lah shuh ban pynlong ha ka snem 1971 bad 1972. Haba ka ri Bangladesh ka la ioh laitluid ha ka 16 tarik December 1971, ki briew ka Balang ki la sdang ban wanphai biang sha la ki balang bad ki shnong.

Hadien ka thma, ka balang ka la sdang ban ioh ia ka jingpynthymmai bor. **Ki snem 1973 haduh 1995** ki long ki snem ka jingtrei lang ka mishon bad ka balang khasi. Bun na ki khun ka Balang ki lasdang ban ioh jingstad pyrtet lyngba ki hostel ka mishon. Ka Balang ka la ioh ki nongtrei bad ki nongsharai balang. Ia don ka jingiaidbeit bad jingryntih ha ka jingpyniaid balang

Dei ha kane ka snem ba la seng ia ka skul Komiti, medical Komiti, bad Bible leadership Training Program (B. L. T. P). Ki seng samla ki la ioh ia ka jingpynkhih thymmai. La don ki kampein samla, seng pynshit, seng ialap bad kiwei kiwei.

Ha ka Synod kaba la long ha Moulvibazar,

ha ka snem 1981, la ordain pastor ia u Probationary D. M. Surong Nangta la ordain pastor pat sa ia u Delinson Bareh ha ka Synod kaba la long ha Moulvibazar ha ka snem 1990.

Ha ka liang jong ka mishon pat, u sahep G. Rasmussen uba la wantrei naduh ka snem 1979 u la leit phai jynduh sha la ka ri Ym don mishoneri shuh ki ban khmih ia kine ki langbrot Kumta ka jingkitkhlieh ka bakhia ka la hap halor ki khasi. Ki nongtrei barim ki la nangtymmen bad ki samla ki la dei ban shim ia ka lyngkor bathymmai

Ka ophis bad ka ung mishon jong ka Khasi Presbytery mynta ha Bangladesh ka long ha Brahmanbazar. La khot ia ka, ka 'Brahmanbazar mishon.'

LYNNONG-6

*Ka jingdon briew bad ka rukom jingtrei
jong ka Balang Khasi—Dnar Dresbyterian
ha Bangladesh*

(i). **KA JINGDON BRIEW :** Kat kum ka jingai jingkheih jong ki nongialam ka balang Khasi—Pnar, haba nga don shipor bad ki ha Bangladesh, ki Khristan Khasi Presbyterian ki don 3100 ngut ei ei ha bakut jong ka snem

1998. Haba ianujor bad ka bakut ka snem 1915, ki roi tang 100 ngut. Ka daw ka long namar babun ki khasi ki dei ki nongrep tymbew ki la leit phet noh sha ri India. Kumta ka jingdon briew ka shu sah kumjuh bad ki baroi kum ha ka snem 1995.

Ha ka bakut jong ka snem 1998, ki **balang khasi** ki don **35** tylli. Ki **riewdkhot** pat ki don kumba **1050** ngut, ki **tymmenbasan** ki don **19** ngut. Ki **Pastor** khasi ki long arngut. Ki hap ban peit haduh 35 tylli ki Balang u Rev David Morrison Surong u long u pastor rangbah ba mynta jong ka balang Khasi-Pnar Presbyterian ha Bangladesh.

(ii). KA RUKOM JINGTREI (i) Ka Balang Khasi-Pnar Presbyterian ka mut hi ka Srimongol-Borlekha Presbyterian lane ka Presbytery Khasi. Ka Het Kwartar (H Q) jong ka, ka long ha Brahmanbazar Mission Compound. Hangne ka don ka ling Ophis bad ki Bangla baitynnad ta la ter da ka Norwe mishon u Bah **Hajar Pohthmi** u long u Executive Secretary Nalor jong u, baroh arngut ki pastor, kata u **Rev. D. M. Surong**, u **Rev. Delinson Bareh** ki iarap bad pyniaid ia ki kam ophis de, uwei pat u nongtrei ba pawkhmat jong ka ophis u long u Bah **Ananias Pohlong**. Ia mynta hi, dei kine sawngut kiba pyniaid ia ka rukom jingtrei kam ophis jong ka Balang Khasi Pnar Presbyterian. Ki mishoneri Norwe, ki la dep aiti roh ia ka jaka mishon, ki iing mishon bad ki jingdon

jingem jong ki baroh ha ki Khasi ba kin pyniaid
noh ma ki

(2) **KA JINGPYNIAID BALANG :** Ka Balang Khasi-Pnar Presbyterian ha Bangladesh ka don la ka jong ka rukom pyniaid balang jong ka ba la pruid dak kat kum ka rukom Presbyterian. Ka riti pyniaid balang ka ia sytem iajan bad ka riti pyniaid balang jong ka Khasi Jaintia Presbyterian Synod. Namar ba ka long ka Presbytery hapoh ka Sylhet Presbyterian Synod, kumta ka hap baroh hapoh ka riti pyniaid balang jong ka Sylhet Synod

(3) **KI JINGIASENG** Ki Khasi-Pnar Presbyterian ki pyndonkam da ka kot jingrwai khasi jong ka K. J. P. Synod ha baroh ki jingiaseng jong ki, kata ha ki balang, Subdistrict bad Presbytery. Ha ka jingiakynduhlang pat hapoh ka Sylhet Synod, la pyndonkam da ka kot jingrwai Bangla Presbyterian. Haba pynlong jingiaseng ha ki balang, ki shait pyndonkam da ka ksirg, bad kiwei de ki jaid jingtem.

LYNNONG—7

Ka Srimongol—Borlekha Presbytery.

Ka Srimongol—Borlekha Presbytery ka dei ka Presbytery kaba kynthup ia ki balang khasi baroh kiba don ha Bangladesh. **La ju khot ia kane ruh ka Presbytery Khasi.**

Ka Sylhet Synod haba ka la iohi ia ka jing-roi jong ki balang khasi ka la ailad bad aibor ia ki balang khasi ba kin ioh noh la ka jong ka Presbytery. Khnang ba kan ym mih ka jing-iasngewpher jaidbynriew, ka Synod ka la ai noh da ka kyrteng 'Srimongol Borlekha Presbytery'. Ki kyrteng jong ki artylli ki Subdistrict Khasi kiba pynlong ia kane ka Presbytery khasi ki long (i) Srimongol Baramchal Subdistrict. (ii). Rongla - Borlekha Subdistrict

Ki Balang kiba don ha ka Srimongol Baramchal subdistrict ki long 18 tylli. Ha ka Rongla-Borlekha subdistrict pat ki don 17 tylli ki balang. Kumta baroh ki long 35 tylli.

La thung ia ka Presbytery khasi banyngkong eh ha ka Balang Islacherra ha ki tarik 8th - 10th, February, 1970.

Ki nongkitkam banyngkong eh jong ka Presbytery khasi ki long kine :—

Moderator — Rev Meral Khonglah.

Secretary — Mr Maia Malang.

Treasurer — Rev. Edwin Manar.

Ka Srimongol-Borlekha Presbytery ka iatreilang ha kaba pynroi, ialap bad pyniad ia ka kam U Blei ha ka Sylhet Presbyterian Synod. Ka Presbytery ka la pynlong ia ka jingrakhe ka jingdap arphewsan snem jong ka (1970 - 1996), ha ka balang Nirala Punji ha ki tarik (1- 5, February 1996).

Ha ka jingiadei jong ka jingrakhe ia ka Jubili rupa, u **Rev. Delinson Bareh**, u ong kumne —

“Kane ka jingdap taphewsan snem ka pyni ba ka Presbytery ka long kaba dang samla bad ka por samla ka long ka por bad ka bor jong ka jingkhlaifi nadong shadong. Namarkata ha kane ka por, ka Presbytery ba dei ban ym sah-kut tang hapoh u pud jong ngi, hynrei ba ngin nangpyniar ia ka bor jingtnei jong ngi sha kito ki para riwlum ki bym long ha ka jaid jong ngi.”

U Rev Joel Nag, Moderator, Hobigonj and Moulvibazar Presbytery, u ong kumne —

‘Ha kane ka sngi bakhraw ka jingrakhe ia kane ka Jubili, nga ai khublei ia ki paraba-ngait ka Presbytery na ka dohnud jong nga. To ai ba ka Hima jong U Blei kan iairoi bad phuh phieng hapdeng ki hynmen ki para khasi ha kine ki sngi ki ban sa wan’”

U Rev. David Morrison Surong pat u ong :

“U Blei un kyrkhu ia kane ka jingpyrshang barit jong ngi, ba kan ym kah ia ka burom Blei, hynrei ba kan nang pynshlur ia ka Presbytery ia ka jingkhut ka bakyrkieh ia ka jing-ialap ia ka Gospel sha ki jaidbynriew baroh.”

LYNNONG—8

*Ka jingtrei kam ba mynta jong ka
Dresbytery Khasi*

Ka Presbytery khasi, ka bathew ia ka balang Khasi-Pnar Presbyterian baroh kawer, ka pynlong ia ka jingtreikum bamynta kum ha kine ki rukom ba nga kdew harum

Ki rukom pynlong jingiaseng

KI JINGIASENG BALANG : Kawer pa kawer ka balang ka pynlong jingiaseng baroh shisngi ha ka sngi U Trai, kumba la pruid dak da ka Sylhet Presbyterian Synod Haba shu kdew bniab, ka mut ba don kine ki jaid jingiaseng . —

(i). Ki jingiaseng khynnah rit. (ii) Ki jingiaseng samla. (iii). Ki jingiaseng kynthei (iv). Ki jingiaseng skul pynpaw (v). Ki jingiaseng iathuhkhana (vi) Ki jingiaseng miet balang. (vii) Ki jingiaseng duwai. (viii) Ki jingiaseng pynshit hapceng ki balang bamarjan

KA JINGIASENG SUBDISTRICT : Ka subdistrict ka pynlong jingiaseng shisien shisnem ha ka por tlang Kawer pa kawer ka subdistrict ka don uwei u Pastor ryngkat bad uwei u Ebanjelis bad ki tymmenbasan Ki subdistrict ki don la ki jong ki komiti, phon bad jingtrei Ki don ar ne lai tylli ki seng pynshit hapoh ka subdistrict.

KA JINGIASENG PRESBYTERY : Ka jingiaseng Presbytery ka ju long shisien shisnem ha ka por tlang

KIWEI PAT KI JINGTREI JONG KA PRESBYTERY :

(a) Ka Presbytery ka pyndonkam mynta ia ka **B. L. T. P (Bible and Leadership Training Program)**. Ha ka jingmut jong ka ktien khasi, ka dei ka jinghikai Baibl bad jingpynsan nong-ialam Ia kane ka Prokram la seng bad sdang da ka seng kynhun mishon ka ri Norwe Ka jingthmu ka long ban ai jinghikai kumno ban a bad sumar ia la ki balang Kiba shah hikai kin pule ia ki kot bun tylli bad pyndep kawei ka snem jingpule bapura, bad kin da ioh ka sar-tiphiket Don bun kiba la pyndep ia kane ka jingpule. Kane ka jingtrei haduh mynta ka la long ka jingkyrkhu ia ka Balang Khasi-Pnar.

(b). **Ka Seng Ialap** Ka Presbytery ka don kawei ka komiti kaba la khot ka seng ialap. La seng ia kane ka komiti ha ka Presbytery kaba la long ha ka Balang Jhimairim ha ki tarik (4th—5th February, 1977) U Rev. H T. Lovaas u long u Secretary banyngkong, bad u Chairman u dei u Bah Sorbin Kongwang

Ka Presbytery ka trei ia ka kam ialap ha. pdeng ki para khasi ki badon hapoh u pud ka Sylhet Presbyterian Synod Kane ka seng ka buh nongialap ha ki jaka bashong ki khasi kiba dang don ha ka niam rim kum ha Jaitiapur.

Kane ka seng ka leit ialap mañan ruh shisien shisnem ha ki shnong khasi kiba dang bat ia ka niam rim. Da kaba trei ia kane ka kam, shi. bun ki mynsiem ki la loh ia ka khubor ka jingpynim.

(k). **Ka Skul Komiti :** La seng ia kane ka skul komiti ha ka Balang Synrem ha ki tarik (24th—26th January, 1986) Ki jingtnei ka komiti ki long (i). Kaba iarap bad aibuit aibor ia ki Balang ban seng ia ki skul khasi ha kawei pa kawei ka shnong (ii). Kaba iarap ban aistaipen ia ki nonghikai. (iii). Kaba iarap ban pyniaid ryntih ia ki skul khasi baroh.

(d). **Ka Medical Committee :** La seng ia kane ka komiti ha ka 1 5. 1991 ha Brahmanbazar. Kane ka komiti ka don ka kam ban ai jingiarap ia ki para khasi kiba thiah pang ne shah sumar hapoh ka hospital khristan kaba don ha Brahmanbazar (Brahmanbazar Christian Health Clinic). Ka komiti ka buh nongtrei da ki khasi, bad ka la thung ia uwei u samla bad la phah shim jinghikai ia u sha Dhaka. Ka komiti ka la ai jingpyntbit shaphang ka kam Village Health Assistant (V. H. A) ruh ia ki samla ka Presbytery ha ka hospital khristan

(e). **Ka Sewing Project :** La seng ia kane ha ka 20. 9. 1995. Ka prokram ka long kaba dang thymmai. Kat kum ka prokram, ka por jingpule ka long hynriew bnai. Ka jingthmu ka long ban iarap ia ki kynthai ban hikai ban suh-

jaññ khnang ba kan long ka jingmyntoi ia ki,
ia lade hi bad ki shnong ruh kumjuh.

KIWEI KIWEI DE

(i). Ki Pastor jong ka Presbytery ki ioh ia
jingpyntbit jong ki sha ka kam (ministry) lyngba
ka skul bah theoloji, The College of Christian
Theology, Bangladesh (C T. T B) kaba don ha
Dhaka.

(ii). U Ebanjelis Bengali u trei hapteng ki
bengali ha ka Srimongol-Borlekha Presbytery.
U long uba shitrhem bad shah shitom.

(iii). Don 5 tylli ki skul Primary khasi ba
la pyniaid da ka Presbytery. Don pat ki balang
ki baseng skul khasi hi da lade khlem da pynban
khia ia ka Presbytery.

(iv). Ki tymmenbasan kiba iet shitrhem ia
ka kam U Blei bad kiba minot shisha, ia kiba
ym lah ban iathuh lut ia ki kyrteng jong ki,
ki long kiba dei ban ioh burom ruh.

Da ka mynsiem ka jingiaieit bad ka jing-
iañiew burom, ki la iatrei ryngkat bad ki Pas-
tor lem bad kiwei kiwei de na ka bynta ban
pyniaid shaphrang ia ka Presbytery Khasi.

LYNNONG—9

*Ka Balang Khasi-Pnar Presbyterian bad
ka Norwe Mishon (Santal Mishon
Norwegian Board).*

Hadien ba ki Welsh mishoneri ki la leit phai jynduh noh na Bangladesh sha la ka jong ka ri, ka **Balang Lutheran na ri Norwe** (Norway), da ka jinglasngewihuh jingmut bad jingiapynebeit lang bad ka Welsh mishon na ri Wales, ka la phah ia ka kynhun mishoneri jong ka ba la kyrteng, '**The Santal Mission Norwegian Board**' (S.M.N.V) ban trei hapdeng ki parabangeit jong ka Balang Presbyterian kaba don ha Bangladesh. Ka Balang na ri Norwe da ka kyrteng kaba tuh hakhmah, ka **Santal mishon,** ka long ban iarpap bad ter pynbha ia ka imlang sahang jong ki khar Santal kiba dei ki riwluh basah ha Bangladesh. Ha kane ka kyrteng '**Santal mishon,**' la kdup ruh ia ka kam mishon hapdeng ki Khasi Pnar.

Ka Santal mishon Norwe ka don tang kawei ka jingthmu bad kata ka long ban pynsan, pynroi, bad ai jingkyrshan ia ki balang Presbyterian baroh kiba hapoh ka Sylhet Synod. Ka mishon kam pynduh ne pynkylla ia ka rukom Presbytery ba la seng nongrim da ki Welsh. Ka leh kumjuh ia ki balang Khasi bad balang Bengali.

Ki kamram jong ki mishoneri Norwe :

Ki kamram bakongsan jong ki mishoneri

Norwe ki long ha kine ki bynta :—

- 1 Ka jinghikai skul bad ka jingkyrshan ia ki Hostel mishon.
- 2 Kaba ai jinghikai niam.
3. Ka jingpynsan nongialam.
- 4 Ka kamram ban trei bad iarap ia ki kyn-thei
- 5 Ka kam ialap.

La ki balang Khasi ki loh bha ia ka jing-kyrshan jong ka Santal mishon, hynrei ki pyn-iaid da lade bad kitkhia nadong hadong, khlem da shaniah lut ha ki mishoneri La ki mishoneri Norwe kim ju long ki nongialam balang ne district ne Presbytery, hynrei ki shait leit jngoh ia man la ki balang

Ki mishoneri Norwe banyngkong eh ha Bangladesh kiba la trei hapdeng ki khasi ki long u **Rev Hans Thore Lovaas** bad ka mem, **Mrs. Anne Helene Lovaas** Ki la shah hikai ktien khasi ha Shillong bad treikam ha Bangladesh naduh ka **1972**. Nangta la leit trei pat ha ka snem **1978** sa ka **Miss Karen Bfrke**, ba la ju khot ieit I **Kongthei** da ki khasi La wan poi pat sa arngut shilok ha ka snem **1981**, u **Rev G Rasmussen** bad ka mem, **Mrs Solvor Rasnussen**.

Kine ki mishoneri Norwe jong ka Santal Mishon ki la trei shitom met bad mynsiem ban pynsan pynroi bad kyrshan ia ki balang khasi. Ka jingthmu bakhadduh jong ka mishon ka long

ban pynkhamti noh syndon ha ki khasi ia ka kam nongialam. Ia kane ki la thmu ban pyn-dep hapoh ki lai snem, kata naduh 1987 haduh 1990.

Ka jingtreikam mishon jong ki mishoneri Norwe kam don shuh mynta. Ki mishoneri baroh ki la leit phai noh, hadien ba ki la dep aiti ha ki khasi ia ka kam ka jam baroh, khamtam ii ki prokram mishon ba ki la trei baroh shikatta. Ngi lah ban ong mynta ba ym don jingkyrshan ei ei shuh ia ki khasi. Ka jingkitkhlieh ka la hap baroh mynta ha ki khasi. Ia ka ung mishon bad ka jaka kaba ha Brahmanbazar ki la aiti noh ha ki khasi ba kin peit bad sumar bha. Kane ka la long mynta ka ung mishon bad ophis jong ka Presbytery Khasi.

LYNNONG—10

Katto katne shaphang ka Sylhet Presbyterian Synod

La seng ia ka Sylhet Presbyterian Synod ha ka snem 1959. Ka la ioh ia ka bor bapura ban pyniaid balang naduh ba ka la khlad khad-duh bad ka Assam Presbyterian Church Assembly ha katei hi ka snem 1959. Ka Sylhet Presbyterian Synod ka long ka kmie jong ki saw tylli ki Presbytery. Kawei ka dei ka Srimongol-Borlekha Presbytery kaba long ka Presbytery Khasi.

(i) Srimongol Borlekha Presbytery jong ki Khasi.

(ii). Juri-Madhoppur Presbytery jong ki Santal, Oriya, Telugu bad Manipuri

(iii). Moulvibazar—Hobigong Presbytery jong ki bengali

(iv). Sylhet-Sunamgonj Presbytery kaba dei jong ki Bengali, Garo, bad ki khar bylla slasha.

Ka Het Kwarter (H.Q.) jong ka Synod ka dei ha Moulvibazar Ka la long mynshuwa ka pdeng mishon jong ki Welsh mishoneri.

Ka Sylhet Synod ka don hynriew (6) ki steshon mishon jong ka Kita ki long (i). Moulvibazar. (ii) Sylhet (iii) Brahmanbazar (iv) Hobigonj. (v) Shaistagonj. (vi). Sunamgonj.

Ka Synod ka buh mynta arngut ki mishoneri shynrang kiba trei hapdeng ki manipuri. Nangta ka buh ruh uwei u mishoneri uba trei hapdeng ki Hajong bad ki pator khasi (Ki pator ki dei kito ki khasi kiba la shah pynryngkang par ha u syiem Jaintiapur Kine ki la kylla khasi hindu, bad ki im ki sah ha Bangladesh).

Ki Jingdonbriew Don kumba 6000 ngut ki khristan Presbyterian ha ka Sylhet Synod ha ka bakut jong ka snem 1998 :

Khasi — 3100 ngut

Bengali — 1500 ngut

Santal — 800 ngut

Garo, Oriya bad kiwei — 600 ngut

Baroh — 6000 ngut.

Ki Balang Khasi bapawkhmat jong ka Sij-mongol Borlekha Presbytery hapoh ka Synod ki dei —

(1) Kalenji. (2) Nerela (3) Jhimairim.
(4) Panai (5) Nohksiar. (6) Synrem. (7) Alia-
cherra. (8) Isla.

Ki balang khasi kiba la pdiang Synod ki long (i). Kalenji. (ii) Aliacherra (iii) Isla

Ki lingmane Presbyterian bapawkhmat hapoh ka Sylhet Presbyterian Synod ki dei kine -

lingmane Presbyterian Moulvibazar

lingmane Presbyterian Sylhet.

lingmane Presbyterian Hobigonj

lingmane Presbyterian Sunamgonj

Ki Balang hapoh ka Synod ki don **85 tylli**
Na kine **35 tylli** ki dei ki Balang Khasi

Ki Pastor ki long hynniew (7) ngut.

Bengali -- 1 Garo — 2

Oriya — 1 Khasi — 2

Santal -- 1 Pro Pastor (Santal) — 1

Ki Tymmenbasan ki don **37 ngut**. Napdeng kine, 19 ngut ki dei ki khasi Ki bymdei khasi ki long 18 ngut.

Ia ki kam bapawkhmat jong ka Sylhet Synod la pynaid ruh da ki khasi. U Executive Secretary bamynta jong ka Sylhet Synod u long

u **Mr. Roosh Patam M. Com.** Une u dei u khasi, uba la pass M Com. na Chittagong Uwei pat u khasi uba bat ia kam bapawkhmat ha ka Synod u long u Pastor D M. Surong Ka Presbytery ha khlañ eh ha ka Sylhet Synod ka long ka Presbytery khasi, namar ba ia ki kam jong ka Synod la iakit iabah da ki khasi

LYNNONG—11

Ka lawei jong ka Balang Khasi-Pnar Dresbyterian ha Bangladesh

Ka Balang Khasi Pnar Presbyterian ha Bangladesh ka don mynta hapdeng ka jingiaxsaid bad **jingialeh** shitom jur na ka bynta ban ioh ieng hi ha la ki kjat, kata **ban synshar** hi, **ban kyrshan** hi bad ban **pynphriang** hi Ka lawei jong ka hateng hateng i kumba ka badum bad hateng hateng pat i kumba ka baphyrnai.

Ia mynta hi don katto katne ki jingtlot kiba wanpaw na ki daw bym lah kiar kiba nga buh lyngkot kumne —

(i). K1 Khasi-Pnar kim don satia ka tynrai ba iaineh ha ka shong ka sah bad ka ioh ka kot Namar ba ki long ki nongrep tympew, ynda haba la kut ka rep ka riang ne haba wan ka jingpang bri, ki hap ban phet shnong bad kynriah jaka noh shawei. K1 balang baheh bad shit-rhem kum ka Inainagar, Horposori, Boiraki,

Peku, Montoli, Dagsora, Sitla, Chanbag bad kiwei kiwei kim don shuh mynta. K1 shnong bad ki Balang barim kum ka Isla cherra, Magurcherra, Rangki cherra, Singul, mynta k1 la nangtlot na kajuha ka daw

(ii). Ka Balang ka dang iaisnoh ha k1 nong-iathuhkhana bad nongtrei na shabar Kane ka pyni ia ka jingduna ki briew ki batbit Ka balang li ka dang ialeh ban iabeh ia ki jingleh bad k1 riti ka Khasi-Jaintia Presbyterian Synod, hynrei ka dang lung shibun eh haba iathew bad ka Balang kmie ha ka ri Lum Khasi-Jaintia.

(iii) Ki parabangeit Khasi-Pnar la ki nangbha ia ka ktien Bangla, wat la katta ruh, k1 ju mih ki jingeh namar ba k1 parabangeit Bengali ki don la ka jong ka rukom im, rukom trei bad rukom leh.

Kine ki jingtlot lehse ki long kiba pynduh jingkyrmen ia ka Balang Khasi-Pnar. Pynban katba nangiaid ki sngi k1 por, ka wan mihpaw kynsan ka **jingkyrmen**, kaba long lehse ka jing-pyniaid U Blei kaba na sha lyndet. **Ka jingkyrmen ka long ym tang ba ka Balang kan sah bad kan neh, hynrei ruh ba kan nangroi bad kan nangiaid shaphrang.** K1 daw ka jingai jingkyrmen k1 long kine. --

(i). Ki nongialam ka Balang ki ialeh shitom mynta ban wanrah ia ka rukom jingtnei kam balang kaba kham im ha ki riwngait. Ka

don ka jingkhie im thymmai hapteng ki Pastor, ki tymnenbasan, ki rangbah balang, bad ki ialeh shitom ban tei ia ka jinglong mynsiem jong ki para khristan. Ki ai mynsiem ia ki nongrep khamtam ia ki khun samla ba kin iatrei iaktah ha ka imlang sahang jong ka ri Bangladesh.

(ii). Ki nongialam ki pynshlur ia ki khun samla ban iabeh ia ka jingnang jingstad ka juk mynta. Kumta ki kaun samla kiba long ka jingkyrinen ia ka lawei ki la sdang ban ialeit skul. Bun ki la pass Matrik. Don kiba la pule Kollej. Don kiba la pass B A, treikam nurse, hikai skul, trei kam ophis ruh. Da kanc ka jingiohlad ban trei ban ktah ha ki kam bapher bapher jong ka imlang sahang, kin ioh ka kabu bakhraw ban phla bad sakhi ia ka kyrteng U Jisu Khrist ha ki khar bangla

(iii). Ka Balang Khasi Pnar ka kham pynleit jingmut ha kaba wallam ka jingkhie im thymmai ha ki balang da kaba pynkhlañ ki jingiaseng duwai, jingiaseng ribaibal, seng samla, seng kynthet, ka jingai kawei na ka bashipheuw.

(iv) Ka Balang ka trei ia ka kam ialap hapteng ki bym dei khasi. Ka khreh ban seng thymmai ia ki balang, ka seng ki skul khasi, ka phah ia ki khun ban pule ha ki skul dkhar, ka pynkhlañ ia ki kamram ha ka imlang sahang. ka pyntrei kam bha ia ka B. L. T. P, medical Committee, skul Komiti. Ka buh ha ka Hostel mishon ia ki khynnah shynrang kiba kwah pule ha ki skul hel kiba don ha sor Sylhet, sor Moulvibazar.

Na kine ki daw ba la kdew, nga lah ban
ong shai ba ka lawei jong ka Balang Khasi-
Pnar ha Bangladesh ka long kaba phyrnai Ka
balang ka don ka bynta ka bakhraw ban shakri
ia U Blei, ialap ia ka Gospel, phla bad sakhi
ia U Jisu Khrst, ka Balang ka dei ban im bad
san hapdeng ki jingtyntjuh Uwei pa uwei u
khrstan, kawei pa kawei ka khrstan, kin hap
ban bah ia ka diengphna wat la ka khia. Ki
balang kin ym lah ban lait ban iakynduh ia ki
jinge, jingjynjar, jingshitom bad ki jingkyrduh
Ki jingsniew, bad jingthala, ki bor u soiton ki
iatrei ym tang ha Bangladesh, hynrei ruh ha
kylleng ka pyrthet Ka jingpynshitom ia ki ba-
ngeit ka lah ban jia

Ka ktien U Blei ka la ailya ka jingma-
ham ia ka Balang Khasi-Pnar ha Bangladesh :
“To long pha kaba iaineh haduh ka jingiap,
bad ngan ai ha pha ia kata ka pansngiat jong
jingim” (Jingpyn 2 : 10).

LYNNONG—12

*Ka jingkyntmaw ieit ia ki nongseng
bad nongtrei barim.*

“Ka jingkyntmaw ia u bahok ka long ba la
kyrkhu” (Prob 10 : 7).

“Ka bakordor hakhmat U Trai long ka jing-
iap ki riengkuid jong u” (Salm 116 : 15).

“Suk kita ki nongiap ki baiap ha U Trai raduh mynta Shisha ong U Mynsiem, ba kin ioh shongthait noh na ki jingtrei minot jong ki, naba kita ki jingleh jong ki ki iabud ryngkat bad ki” (Jingpyn 14 : 13.)

1. **U Rev. Nobo Kumar Patro :** U long u nongseng bakhrawtam jong ki balang Khasi-Pnar ha Bangladesh. U dei u khun jong u William Patro. La kha ia u ha ka shnong Dhaloichora, Cachar U la pass theoloji na Serampore Theological College. U la mih na Karimgonj bad wan trei ha Sylhet, Sunamgonj, Fenchugonj bad Moulvibazar U la iathoh kurim bad ka P. B. Patro ha ka snem 1934 La ordain Pastor ia u ha Moulvibazar ha ka snem 1944. Kum u Pastor u la ialeh shitom ban pynphriang ia ka Gospel ha ki thair Sylhet U la ailut ia ka por ka bor na ka bynta ban lum lang ia ki Khristan Khasi-Pnar Dei ma u uba la ai jinghikai niam ia u Mr. M. Khonglah bad Mr. E. Manar, kiba la long pastor hadien. Ka Balang Khasi ka kitram shibun eh na u U long u nong-mait lynti bad nongseng jong ka Srimongol-Borlekha Presbytery U la iap bad tep ia u ha Moulvibazar Mishon ha ka 19th September 1987 haba u la dap 97 snem ka rta.

2. **U Rev. Edwin Manar :** La kha ia u Pastor Edwin ha ka shnong Tarangblang. U dei u khun jong u Phring Bandara bad ka Long Manar Hadien ka jingpule ha Jowai u la iathoh bad ka Lily Dkhar. U la wan shong sha Ka-

sinathpur, bad u la kylla long u nongialam ha ka Balang Gobincherra (Kasinathpur). U la shah khot ban pyntbit kum u Ebanjelis hapoh ka jinghikai u Rev. N. M. Patro. La thung Pastor ia u ha ka snem 1970. U la long u nong-tei baradbah jong ka Balang Khasi-Pnar. U la khlad noh sha la U Trai bad la tep ia u ha ka Balang Gobincherra.

3. **U Rev. Meril Khonglah :** La kha ia u ha ka shnong Sohkhha ha ka 14th March 1931. U la mih na Sohkhha ha ka por ba u dangsamla bad leit shong sha ka shnong Rampur ha Bangladesh. Na Rampur u la leit sha Hatma, na Hatma sha Digai. Haba u dang shong ha ka shnong Chandbag u la ioh ka jingkhoh ban sha kri ia U Blei. U la iathoh bad ka Derila Lamin ha ka 13. 11 1948 La thung Ebanjelis ia u da ka Sylhet Synod ha ka snem 1962, bad ordain pastor ha ka snem 1970. U long u nongmih khmat ym tang ia ki khasi, hynrei ia ka balang Presbyterian hi baroh kawei. U la ju bat ia ki bun ki kamram ka Synod kum u Moderator bad dkhot ha ki komiti Synod U la khlad noh sha la U Trai ha ka 16th. January, 1988 bad la tep ia u ha ka shnong Amsory.

4. **U Rev. B. Restore Kharkongor :** Une u long u rangbah khasi uba la shakri kam sorkar bad u la aiti ia lade ban shakri ia ka Balang khasi ha ri thor. U la trei katto katne por ryngkat bad u Rev. N. K. Patro. U la long u nong-pyniaid ia ka Hostel shynrang ha Moulvibazar

ha ka snem 1968. La thung pastor ia u ha ka snem 1970. Ka long ka basngewsih ba une u nongtrei um iohlad ban shong slem ha ka pyrtet. U la khlad noh sha la U Trai ha ka snem 1970 had'en ka jingthung pastor ia u. La tep ia u ha Moulvibazar mishon compound. U la don sawngut ki khun.

5. **U Bah Rimon Shylla :** La kha ia u Rimon Shylla ha Tarangblang. U la wan sah sha uthor ha Larsora ha ka por ba u dang khynnah eh. U la don ka sap bad mañ nongialam neduh ba u dang sam'a. U la tei ia ka Balang Gobincherra (Rasinathpur). Une u rangbah u la trei radbah ban pynroi pynsan ia ka balang ha ki snem 1950—1977. U la ioh kem pang bad khlad noh sha la U Trai ha ka 13th. January 1977. La tep ia u ha ka shnong Gobincherra ha ka jingdon ki pastor mishoneri bad rangbah balang.

6. **U Bah Jowen Lamarai :** La kha ia u Bah Jowen Lamarai ha ka shnong Tarangblang. U la long u nongialam jong ki balang barim tam. U la ja mih khmat ha ka Synod bad Presbytery. U la seng ia ka balang Flatubanga. U la iap ha ka snem 1993 ha ka Balang Jhimaitim ha ka por ba u la jandap spah snem.

7. **U Tymmen Basan Don Langshang :** La kha ia u ha ka snem 1900 ei ei. U la long u tymmen basan banyngkong eh ka Presbytery. La pynkyntang tymmenbasan ia u ha u bnai

January, 1959 ha Hobigonj. U la long tymmen basan ha ka Balang Horposory bad ka Balang Jhimairim.

8. U Kiang Surong. La ordain tymmen basan ia u ha ka snem 1959 ha Hobigonj. U la long tymmenbasan ka Balang Dagsora bad shakri ruh ia ka Balang Magursora Une u rang. bah um don shuh ha ka pyrthei. Don bun ki bymtip bha shaphang jong u, namar ba um wan shong shnong shuh sha kane ka ri hadien ka jingphet wir sha lum Jaiñtia ha ka snem 1971.

*Ki snem bad ki jingjia ha ka history
jong ka Balang Khasi-Dnar Dresbyterian
ha Bangladesh (mynshuwa, India bad
Dakistan).*

7. 4. 1813 — La pynbaptis ia U Anna bad u Duwan da u Krishna Chandra Pal ha Pandua (Bhologonj), Sylhet.

22. 6. 1841 — U Thomas u Welsh mishoneri banyngkong u la poi ha Sohra. Une u long u kpa jong ka Khasi Alphabet U la kut jingmut ban pyn-donkam da ki dak Roman ia ka ktien Sohra, ka ktien pdeng ka pyrthei Khasi, kaba la iaïd bad trei kam haduh mynta.

- 1850 — Ka Welsh Presbyterian mishon ka la sdang ia ka jingtrei kam jong ka nyngkong eh ha ri thor Sylhet Cachar. U William Pryse u la long u mishoneri banyngkong eh hangne.
- 1886 — Ka Welsh mishon ka la pynim biang ia ka jingtrei ha ri thor Sylhet hadien ba ka la dam shipor.
- 1887 — La phah ia u Rev. P. Jones, I Mem bad i Miss B. A. Jones ban trei ha ka District Sylhet.
- 1901 — La don kumba 3,500 tam ki khasi ha Sylhet kat kum ka jingthoh ha ka Sylhet District Gazetteer 1975.
- 1902 — Bun ki Pnar ki baphetwir na Bataw sha ri thor na ka daw ka jing-pynshitom ki khla kiba shong ha ki lawbah.
- 1925 — La pynlong ia ka Assembly ri thor (Sylhet Cachar) kaba nyngkong ha Moulvibazar.
- 1944 — La ordain pastor ia u Nobo Kumar Patro, uba long u nongseng bakhraw ia ki balang khasi.
- 1947 — Ka sorkar Phareng ka phiah ia ka India bad Pakistan. Ki Balang ki

bahap hapoh ka East Pakistan (mynta Bangladesh), kɪ duh noh ia ka jingiadeɪ bad ka Synod Assam

1952 — La seng ia ka Balang Sitlapunji, ka Balang Khasi banyngkong eh hapoh ka Sylhet Presbyterian Synod.

1960 — La seng ia ka Sylhet Presbyterian Synod kaba kynthup ia ki artylli ki Presbytery (i) Sylhet Sunamgonj. (ii). South Sylhet Moulvibazar Hobigonj.

7. 2. 1969 — Ka jingiaseng bakhadduh jong kɪ Khasi bad ka Hobigonj Moulvibazar Presbytery kaba la long ha ka Balang Singur.

13. 2. 1970 — La seng bad plie ia ka Presbytery bakyrpang na ka bynta kɪ Khasi (Srimongol-Borlekha Presbytery) ha ka Balang Islacherra.

12- 15. 3. 1970 — La ordain Pastor ia ki lai ngut kɪ Khasi : Mr. Edwin Manar, Mr. Meral Khonglah, Mr B. Restore Kharkongor.

26. 3. 1971 — Ka thma laitluid ki Bengali musulman pyrshah ia ka sorkar Pakistan.

16. 12. 1971 — Ka Ri Bangladesh ka la ioh jing-laitluid.

- 1972** — U Rev. Hans Thore Lovaas bad I lok (Mrs. Anne Helene Lovaas) na ri Norwe ki la wan trei hapdeng ki Khasi.
- 1977** — La sdang ia ka B. L. T. P. kaba la long ka jingmyntoi ia ki Balang Khasi-Pnar.
- 1978** — I Miss Karen Bjerke (Kongthei) na ri Norwe i la wan trei hapdeng ki Khasi.
- 1981** — U Rev G. Rasmussen bad I lok (Mrs Salvor Rasmussen) na Norwe. ki la wan poi bad trei hapdeng ki Khasi.
- 1981** — La ordain Pastor ia u Probationary Pastor D M. Surong
- 1990** -- La ordain Pastor ia u Mr. Delinson Bareh.
- 1991** — Ki Khasi-Pnar ki la poi sha ka 12,000 ngut ha ka jingdon briew.
- 1. 5. 2. 1996** — La rakhe ia ka jinglong arphew-san snem ka Presbytery Khasi ha ka Balang Nirala Punji.


DA U JUH U NONGTHOH

- 1 Ka jingshem mynsiem u Khristan.
- 2 Ka ding bameh
- 3 Ka jingsuk kum ka wah
4. Ka jingwan arsien U Trai Jisu
- 5 Ka jingpynkynriah noh ia u Enokh.
- 6 Na Padan Aram sha Bethel.
- 7 Ka jingkha arsien.
- 8 U Ikhabod.
- 9 Ka Ing ha Bethania.
- 10 Ngan wan pat
11. Ka Ingdong U Blei
- 12 Ka Pukri um ka jingim
13. Ka Wah Jordan
- 14 U Lum Olib.
- 15 Ka Jingjia ha u Lum Kalbari.
- 16 Ka Jingtep U Jisu Khrist
- 17 Hakhmih nga wan kloi
18. Ka Jaka jrong ha Ramah
- 19 Ka Gospel bymjukut.
20. Ka Tabernaki ha Nob.
21. Na Sepngi sha Mihngi
- 22 Ka Bethesda jong ki por mynta.
23. Ka them Bakka.
- 24 Our Pilgrimage to Russia (In English)
25. Shaphang ka ri Rusha.
- 26 Ka Jingkynshew ba la buhrieh.
27. Ka Balang ha Ri Sambia
28. To pdiang ia U Mynsiem Bakhuid.

29. Kí Dienjat u Apostol Thomas ha Rí India.
30. Ka Ruth bad ka Naomi
31. Ka Balang Khasi-Pnar Presbyterian ha Bangladesh

Lah ban loh ia kine kí kot na kí dukan die kot ba
la kdew harum :--

- 1 Synod Book Room : Shillong, Jowai, Nongstoin,
Dawki, Mairang
2. Shillong Co-operative Marketing Society.
Iewduh Shillong.
- 3 Grace Literature Centre, Mawkhar Shillong
- 4 Khasi Book Stall, Room No 38, Synod Super Market,
Mawkhar, Shillong
- 5 Ing jong u Nongthoh, Lum Batemon, Jaiaw Laitdom,
Shillong.





La shon ha ka 6 12 1998

Ha ka Jingiaseng paidbah ha Jhimai rim Moulvi Bazar District Bangladesh





Na Kadiang sha Kamon

**Bad k1 Nongialam ka Balang Khasi-Pnar
Presbyterian ha Bangladesh**

Mr Eva Monir Dkhar

Evanjelis, Srimongal – Borlekha Presbytery, Bangladesh

Rev. Delinson Bareh .

Pastor, Sylhet Presbyterian Synod, Bangladesh

Rev. Langstarley Dkhar

Pastor, Khasi – Jaintia Presbyterian Synod

Rev. David Morison Surong

Pastor, Sylhet Presbyterian Synod, Bangladesh

Mr. Roosh Patam :

Executive Secretary, Sylhet Presbyterian Synod, Bangladesh

Mr. Hajar Pohthmi :

Executive Secretary, Srimongal – Borlekha Presbytery, Bangladesh

Lashon ha ka 6 12 '98 ha Jhimai rim, Moulvi Bazar Distinct, Bangladesh